



Pou Piblikasyon Imedya: 03/08/2023

GOUVÈNÈ KATHY HOCHUL

GOUVÈNÈ HOCHUL ANONSE 12 MILYON DOLA POU FÈ AVANSE ADOPSYON AK ENTEGRASYON VEYIKIL ELEKTRIK NAN REZO ELEKTRIK LA

Inisyativ la ap chèche nouvo demonstrasyon teknoloji pil a konbistib elektrik epi a idwojèn ki gen itilizasyon mwayen ak entansif

Sipòte tranzisyon Eta a nan veyikil zewo emisyon disi 2035

Fè avanse egzijans Lwa sou Lidèchip Klimatik ak Pwoteksyon Kominotè a pou reyalize yon sektè elektrisite zewo emisyon disi 2040

Modènizasyon yo sipòte objektif Eta a pou diminye emisyon gaz a efè sè yo a 85 pousan disi 2050

Gouvènè Kathy Hochul te anonse jodi a yon inisyativ 12 milyon dola pou sipòte devlopman ak demonstrasyon solisyon inovatè ak repwodiktif ki fè avanse adopsyon veyikil elektrik ak entegrasyon veyikil elektrik yo nan rezo elektrik la. Inisyativ la ap chèche sipòte tou nouvo demonstrasyon teknoloji pil a konbistib elektrik epi a idwojèn ki gen itilizasyon mwayen ak entansif. Anplis sipòte tranzisyon Eta a nan veyikil zewo emisyon disi 2035, anons jodi a fè avanse egzijans Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) pou reyalize yon sektè elektrisite zewo emisyon disi 2040 epi redwi emisyon nan 85 pousan disi 2050.

"Pandan New York ap kontinye avanse nan direksyon yon avni zewo emisyon, li obligatwa pou nou kontinye amelyore aksesibilite pwopriyetè transpò pwòp pandan n ap devlope yon rezo enèji solid ak fyab", **Gouvènè Hochul te deklare**. "Inisyativ 12 milyon dola sa a ofri yon fason inovatè pou fè tou de — eksploré ak sipòte opsyon pou enfrastrikti rechaj veyikil ki pote enèji tounen nan rezo a tou. Nou pran angajman pou rann li posib pou rezidan yo ak konpayi yo fè tranzisyon nan posede ak chaje veyikil elektrik yo — bati yon avni pi vèt pou tout moun".

Atravè pwogram konpetitif sa a, ke Otorite Developman ak Rechèch Enèji Eta New York la (New York State Energy Research and Development Authority, NYSERDA) ap administre, Eta a ap chèche:

- Avanse enfrastrikti rechaj veyikil elektrik (electric vehicle, EV) ki byen jere epi redwi pri entegrasyon nan rezo a;
- Amelyore ekonomi nan posede veyikil elektrik pou konsomatè rezidansyèl yo ak administratè flòt komèsyal yo;
- Ankouraje rechèch ak inovasyon ki sipòte deplwaman toupatou veyikil elektrik yo kòm yon avantaj benefik pou pwopriyetè veyikil elektrik yo ak operatè rezo a ki gen ladan konbine veyikil elektrik yo avèk rechaj nan de sans, depo enèji, ak jenerasyon enèji sou plas; epi
- Demontre elektrifikasyon veyikil mwayen ak lou, swa atravè veyikil elektrik ki gen pil a konbistib oswa veyikil elektrik ki fonksyon ak batri estanda.

Doreen M. Harris, Prezidan ak Direktè Egzekitif Jeneral, NYSERDA te deklare, "Entegre veyikil elektrik yo nan rezo a bay yon nouvo sans ak siitasyon, 'se yon lari ki gen de sans' avèk enèji k ap sikile nan toude direksyon yo ak veyikil yo ki vin de pli zan pli yon avantaj pou rezo a. Atravè inisyativ sa a, n ap pote devlopman solisyon teknolojik ak rechèch ki pral fè avanse yon rezo ki pi pwòp ak yon lè ki pi pwòp, pandan I ap amelyore ekonomi pou elektrifye sektè transpò a".

Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare, "Envestisman nan teknoloji ak rechèch ap fè avanse adopsyon veyikil elektrik ak amelyorasyon enfrastrikti rezo a, fè veyikil elektrik yo aksesib pou plis Nouyòkè, diminye emisyon ki afekte kominote ki defavorize nan yon fason ki pa pwopòsyonèl yo, epi ede atenn egzijans klimatik Eta a. Mwen bat bravo pou angajman Gouvènè Hochul pran pou asire New York rete yon lidè nan rediksyon gaz a efè sè ak pwomosyon kwasans yon endistri transpò ki pi ekolojik".

Prezidan Komisyon Fonksyon Piblik Eta New York la, Rory M. Christian, te deklare, "Mwen bat bravo pou angajman Gouvènè Hochul pou li kreye yon anviwònman ki pi pwòp. PSC rekonèt enpòtans elektrifikasyon sektè transpò a pou atenn objektif klimatik Eta New York yo. Angajman sa a pral ogmante efò ki egziste deja yo epi ankouraje nouvo envestisman ki sipòte politik ak pwogram PSC pou ankouraje devlopman enfrastrikti rechaj veyikil elektrik yo".

Yo pral akòde prim jiska 3 milyon dola chak pou devlopman pwodwi ak demonstrasyon teknoloji ak modèl biznis ki ede diminye gwo demann enèji epi ki ofri avantaj nan rezo a atravè rechaj/dechaj jere ki pral bese pri jeneral amelyorasyon nesesè nan enfrastrikti rezo elektrik la. Lè nou reyalize demonstrasyon ki gen siksè nan veyikil elektrik ak pil a konbistib nan ka itilizasyon ki difisil pou elektrifye yo, tankou machin lou sou wout ak ekipman konstriksyon, inisyativ sa a ta dwe amelyore itilizasyon enfrastrikti rezo ki deja egziste pandan I ap kontribiye nan ekite anviwònman ak enèji ak pi gwo deplwaman veyikil zewo emisyon nan tout Eta New York.

Y ap aksepte dokiman konseptyèl yo pou konsiderasyon pou soumèt pwopozisyon konplè nan kad nouvo inisyativ sa a jiska 3:00 p.m. 12 septanm 2023. Pou moun ki

chwazi avanse, dat limit pou soumèt pwopozisyon konplè a se 8 novanm 2023. Yo ka bay yon dezyèm tou finansman nan kòmansman ane 2024 si yo pa bay tout lajan an nan premye tou a. Pou plis enfòmasyon, [enskri](#) pou wèbinè enfòmasyon an k ap fèt nan dat 15 out 2023 a 11:00 a.m. Pou lòt enfòmasyon ak dokiman ki gen rapò, ale sou [sitwèb](#) NYSERDA a.

Dakoury Godo-Solo, Manadjè Pwojè, Sistèm Rechaj Veyikil Elektrik nan Fon Defans Anviwònman an, te deklare, "Veyikil elektrifye pa mwayen ak pwa lou yo ka pote anpil avantaj pou anviwònman an ak kominate a, men gwo reta entèkoneksyon yo deja ap ralanti tranzisyon sa a. Finansman sa a, ansanm ak efò k ap kontinye nan Komisyon Fonksyon Piblik (Public Service Commission, PSC) la, gen yon gwo potansyèl pou sipòte deplwaman solisyon inovatè rechaj ak modèl biznis pou minimize enpak sou rezo a, akselere entèkoneksyon yo ak diminye depans nan avantaj pwopriyetè veyikil elektrik yo ak kontribiyab yo".

Senatè Eta Tim Kennedy te deklare, "Atravè inisyativ sa a, New York ap kontinye aktivman fè avanse yon ajanda anviwònmantal ambisye, epi ogmante aksè pou lòt opsyon transpò pwòp. Lè nou idantifye fason pou nou detounen depandans enèji eta a pou pase nan sous renouvlab, nou ka reyalize objektif klimatik nou yo, ranfòse enfrastrikti nou yo, epi kontinye bati avni inovatè, dirab ke Nouyòkè yo merite".

Manm Asanble Didi Barrett te deklare, "Dekarbonize sektè transpò New York la empòtan anpil pou atenn objektif klimatik nou yo, epi sa pral mande solisyon nouvo ak sous enèji pwòp inovatè", Manm Asanble Didi Barrett, Prezidan Komite Enèji Asanble a, te deklare, "Finansman sa a pral pèmèt nou eksploré fason teknoloji emèjan yo, tankou pil a idwojèn, yo ka itilize pou diminye anprent kabòn nou epi elaji enfrastrikti rechaj veyikil elektrik eta nou an. Mwen remèsye Gouvènè Hochul ak NYSERDA pou lidèchip yo".

Manm Asanble William B. Magnarelli te deklare, "Eta New York ap kontinye fè envestisman pou fè avanse devlopman ak teknoloji ki disponib pou kreye transpò pwòp epi redwi emisyon", Manm Asanble William Magnarelli, Prezidan komite transpò a, te deklare. "New York angaje nan objektif Lwa sou Lidèchip Klimatik ak Pwoteksyon Kominotè a epi ap fè avanse aksè ekitab nan transpò pwòp".

Eta New York vize retire byen vit obstak ki genyen nan deplwaman veyikil elektrik nan tout ekonomi an ki gen ladan fè avanse aksè ekitab nan transpò pwòp nan kominate istorikman majinalize yo ki fè fas ak polisyon lè ak enpak sou sante yon fason ki pa pwopòsyonèl ki soti nan emisyon ak polisyon sistèm echapman yo. Nan mwa avril, Gouvènè Hochul te anonse ke Komisyon Fonksyon Piblik Eta New York la te kòmanse yon pwosedi pou aplike règleman ak devlope pwogram ki gen rapò ak enfrastrikti ak planifikasyon rechaj veyikil elektrik mwayen ak lou yo ki gen ladan envestisman pwo aktif nan enfrastrikti sèvis piblik ki nesesè pou sèvi elektrifikasiyon transpò. Adopsyon [règleman Kamyon Pwòp Avanse](#) a an desanm 2021 sipòte yon ogmantasyon nan kantite modèl veyikil zewo emisyon (ZEV) pwa mwayen ak pwa lou ki disponib kòm opsyon acha pou achtè veyikil ak flòt yo.

Envestisman 1 milya dola Eta New York nan elektrifye sektè transpò li a enpòtan anpil pou satisfè plan klimatik ak enèji pwòp global Eta a. New York ap fè avanse rapidman mezi pou tout novo machin pasaje yo ak kamyon yo vann yo gen zewo emisyon disi 2035, ansanm ak tout otobis lekòl yo dwe zewo emisyon menm ane a. Eta a gen yon seri inisyativ ki ogmante aksè nan veykil elektrik epi amelyore transpò piblik pwòp pou tout Nouyòkè ki enkli EV Make Ready (Prepare Veykil Elektrik), EVolve NY, Drive Clean Rebate (Rabè pou Kondui yon Fason Ekolojik) ak New York Truck Voucher Incentive Program (Pwogram Koupon Motivasyon pou Kamyon New York) (NYTVIP).

Pwogram Modènizasyon Rezo NYSERDA a, ap bay yon total 133 milyon dola jiska 2026 pou plis rechèch, devlope ak bay finansman pou solisyon inovatè ki sipòte avansman yon rezo elektrik entelijan, modènize, retire obstak yo, epi pèmèt envestisman sèvis piblik ki nesesè pou deplwaman konplè a gran echèl teknoloji avanse pou rezo elektrik la. Depi 2016, Pwogram Modènizasyon Rezo NYSERDA a te bay apeprè 65 milyon dola nan kad 111 kontra bay konpayi teknoloji rezo a ak òganizasyon rechèch pou pwojè ki gen ladan detèktè rezo ki pa koute chè epi ki gen gwo presizyon, zouti modèl ak similasyon, ak solisyon enjeniri avanse pou entegrasyon pi efikas resous enèji renouvlab yo. Aprann plis sou [sitwèb NYSERDA](#) a.

Finansman pou inisyativ sa a fèt atravè Fon pou Enèji Pwòp 6 milya dola Eta a sou 10 ane. Gen plis enfòmasyon sou finansman sa a ki disponib sou [sitwèb NYSERDA](#).

Plan Klimatik Nasyonal Eta New York ki Alatèt Peyi a

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 pousan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 pousan nan sektè solè distribiye a depi 2011. Pou diminye emisyon gaz ki lakòz efè tèmik ak amelyore kalite lè a, New York te adopte tou règleman veykil san emisyon, ki gen ladan egzije pou tout novo machin pasaje yo ak kamyon yo vann nan Eta a gen zewo emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)